

JAORGANK 12 - 2018

# de Uulewapper

OETGAVE VAN SJTADSVASTELAOVESVERENIGING D'N UUL REMUNJ



## Enzo d'n Eerste

JEUGDPRINS D'N UUL 2018

# LEEF UULEKIENJER!



Dit jaor is de Uulewapper weer gigasupervol gewaore. En ómdet de Kienjermusical dit jaor erg leuk geit waere, sjteit de ganse Uulewapper in 't teike en thema van dae musical: "Sjterresjtaof". En netuurlik heel väöl aandach veur oze nuje Sjtadsjeugprins Enzo I. 'n Paar tips óm zeker neet euver te sjlaon:

- 'n Pyamaparty???
- Losse Vórste???
- Waat veur Vasteloavesvierder bös se dan???
- En Sinterklaos ouch neet???
- 'n Aaj raasj???
- Hoes(orde) hóndj???
- 'ne Kastelein sjteit nooit allein???
- ... En nog hééél väöl meer.

En det neet allein in de Uulewapper. Bie sómmige sjtokskes zólt geer och zogenaamde QR-codes zeen sjtaon, als geer die code mit 'ne QR-scanner op de smartphone scant, kint geer online nog meer bekiske en beloestere euver det óngerwerp.

HEEL VÄÖL LAES- EN VASTELAOVESPLEZEER! DE UULEWAPPERS

## Dansgardes in 't nuuj

Sjadvastelaovesvereniging D'n Uul haet drie dansgardes: de Kienjergarde, de Jeuggarde en de Damesgarde. Alledrie de gardes zeen veurig jaor helemaal in 't nuuj gesjtaoke. Det levert heel indrókwèkkende, mer veural prachtige totaalplaatjes op es ze allemaal biejein sjtaon.



De groepsfoto is de samesjèlling van de garde wiej die t véurig sezoen waar.

# UULESJLAGER

## Doe en ich in ein reket

Det is de titel van de Uulesjlayer 2017/2018 dae tiedes Aad op Nuuj bekind is gemaak door Vórs Dirk I. Componis en zenger van dit leedje is Hans Leijendeckers, veur de meiste van uch geine ónbekinde. Hans leverde ocht in 2005, 2009 en 2017 al de Uulesjlayer. Verder waas hae as componis betrókke bie de Uulesjlagers van 2006, 2013 en 2015. Gedoerende 't kómmende sezoen zal Hans regelmaotig op zien reket veurbie kómme tiedes Uule-evenemente.

### Doe en ich in ein reket


Mezik en teks: Hans Leijendeckers

#### Refrain

Ich naem dich mit in ein reket  
Nao de hemel, nao de sjerterre  
Ver van hoes en ver van bed  
Doe en ich in ein reket  
Veer vleege same door de sjerrenach in t heelal  
Nemes wit wo t eindige zal  
Veer 2 allein in ós reket  
Doe en ich waem duit ós get?

Vastelaovesmaedje, ich zeen dich eder jaor  
Eine boa en get vaere op de hood, en glitters in t haor  
Veur mich zo onbereikbaar, wie de sjerterre in de nach  
Maar dit jaor kom ich nao dich toe en zék dan mit ein lach

Vastelaovesmaedje, noe kom ins bie mich sjtaon  
Doe bös zo leef en lekker bóndj gesjminkt,  
Ich wil bes mit dich goan  
Ich kin waal mit dich danse, of get wachte toet se zits  
Maar ich wil aan dich vraoge sjat, zék geis se mit mich mit?



# VEUL 'T RITME PAK DE BEAT 'T IS WEER VASTELAOVESTIED

## Enzo I Tinnemans. Sjtadsjeugprins van D'n Uul 2018

**VEUL 'T RITME, PAK DE BEAT. 'T IS WEER VASTELAOVESTIED.** Dit is de liefsjpreuk van oze nuje Sjtadsjeugprins Enzo I Tinnemans. Hae geit dit sezoen same mit zien adjudante Sjors Triepels en Stijn Peters de Remunjse jeug en de ganse Sjtadsvastelaovesvereniging D'n Uul veur es Jeugprins "Enzo de eerste". 't Zeen echte vrunj en wille daoróm ouch same de Vastelaovend viere.

Enzo I is in 't krankehoes van Remunj gebaore op 10 augustus 2006. Es zoon van Mark en Peusie Tinnemans. De prinselike femilie woont aan de Hambaek. Pap is in 't dageliks laeve leraar op Lyceum Schöndeln. En mam is directeur van De Steenen Brug.

Enzo I zit op de Montessori sjool in groep 8 bie meester Ron. Dit is ein combi klas mit groep 7. En dao zit Stijn ouch in. Sjors zit in groep 8 op Aan de Roer.

Ze zeen alle drie gek op meziek make. Enzo I sjleit t'r gaer duchtig op los op zien drumsjtel, det toes aan de Hambaek in de woonkamer sjteit. Stijn is ouch gek op drumme. Terwiel Sjors zien muzikale talente leut heur oppe piano en de pénspiano.





Enzo I duit wiejer ouch nog aan turne en aikido. Det is een vechsjport. Mit turne duit hae ouch mit aan wèdsjtriede. En es t'r van al die insjpanninge hónger haet gekrege it t'r 't leefste pasta.

Bie Enzo I toes höbbe se ouch ein femiliéhobbie: namelik "HOMELAND". Det is ein sjpannend sjpel wo in de sjried taege 't terrorisme ein hoofrol sjpeelt. Mér ze höbbe ouch nog heel väöl anger sjpelkes óm oet te keze.

Enzo I is noe 11 jaor aad en viert al 12 jaor Vastelaovend. Hae haet 't mit de paplaepel ingegaeve gekrege. Al es kleine jóng ging d'r verkleid es prins mit pap en mam op sjtap. Netuurlik is t'r ouch väöl bie de Sjapsnaze in 't Witte Kirkske gewaes, wo d'r 't altied super nao ziene zin had.

Ouch de Vastelaoveskirmes vindj hae gaaf óm nao toe te gaon. De Booster en de Breakdance vindj hae de gaafste attraksies.

't Waert mit dees drie muziekale vrunj zeker eine knallende Vastelaovend. Häöre sjpreuk haet dan ouch alles mit meziek te make.

## VEUL 'T RITME, PAK DE BEAT. 'T IS WEER VASTELAOVESTIED.

Mit deze sjpreuk geit ENZO de eerste mit zien adjudante Sjors Triepels en Stijn Peters de vastelaovend in.



## PROKLAMASIE

### veer ENZO I

SJTADSJEUGPRINS VAN REMUNJ  
diej de gracie van Sjtadsvastelaovesvereniging  
ón Uul  
in t jaor • 2018.

Vastelaovesvierder sinds 2005. Gebaore 2006 in Remunj en  
woonechtig aan de Hambaek. Kleinzoor van Prins Jan III van de Gouha.  
gedisse Leeve -1980-. Acties in de kienjermusical sinds 2014.

Gaeve Uch hiejbiej te kinne en te versjtaon :

- 1 - det ederein vastelaovend moog viere op zien eige meneer
- 2 - det alles lekkerder sjmaak op de barbekjoe
- 3 - det ich blyj bon mit mien vruunj en adjudante SjorsenStijn
- 4 - det ich zonger die men geine prins gewaore zol zeen
- 5 - desse baeter vals kins zinge dan gaaroet neet
- 6 - det ederein op t ritme moog danse maar och dr naeve
- 7 - det mit get humor alles gemekkeliker geit
- 8 - det ederein op waeg nao hoes goed móet sjtuure
- 9 - det 9 regels baeter zeen dan 11

dit alles ónger oze Liefsjpreuk :



Veul t ritme, pak de beat t is weer

Remunj, zondaag 7 jannewarie 2018

# GALERIE VAN (AAD)JEUGPRINSE MIT HÄÖR ADJUDANTE

2015

Toss I mit  
adjudante  
Eunice, Sem  
en Jesse



2016

Sjors I mit  
adjudante  
Mick en  
Scay



2017

Niek I mit  
adjudante  
Steef en  
Krijn

KIEK VEUR DE FOTO'S  
VAN DE AJERE AAD  
JEUGPRINSE EN HÄÖR  
ADJUDANTE EN OUCH  
VEUR DE INTERVIEWS OP  
[WWW.DN-UUL.NL](http://WWW.DN-UUL.NL)





# Interview Iris

## 1 De wievääoste Kienjermusical is dit al, dae se veur "D'n Uul" höbs gesjreve?

'Sjterresjtaof' is de derde musical dae ich veur "D'n Uul" höb gesjreve. 'Ali Baba en de 40 Uulkes' waar de eerste, en 'Van de Prins in de Pöt en de Raod van Elfkes' waar de tweede.

## 2 Wie bös se op 't iedee veur dit verhaal en thema gekómme?

Ónger de oetveuring van de veurige kienjermusical! Ich zoot nao al die blieje sjnuutskes op 't podium te kieke en vroog mich obbins aaf "Zólle de luuj hie euver 1000 jaor nog sjeeds Vastelaovend viere? En wie zal det dan droet zeen...?" De volgende morge waerde ich wakker en zoot 't verhaal in miene kop!

## 3 Wie boewis se zón verhaal op?

Ich gaon eers zovääöl meugelik iedees verzamele. En die kómme op de gekste momente, sóms ouch midde in de nach! Naeve mien bëd en euveral in hoes liggke sjrifkes en pepierkes wo ich dan sjnel get kin opsjrieve, veurdet 't iedee wegvlug. Sóms sjbraek ich tekste in op miene iPhone. Daonao is 't net es mit 'n kleurplaat: eers teiken ich de grote liene, dan de kleinere lienkes. En daonao gaon ich inkleure. Es ich dan dink det 't verhaol aaf is, kiek ich 'r 'n tiedje neet meer nao. Nao 'n paar waeke laes ich 't nog ins heel good door, gaon ich hie en dao nog 'n bietje biesjave en zit de puntjes op de i.

## 4 Verzins doe ouch alle tekste van ederein en sjriefs se die helemaol waard veur woord oet?

Jao! Ich höb 'n duudelik beeld van alle personages en die veure ganse kónverzasiejs in miene kop, drökke boel dao, ich vervael mich noojts ;-)

## 5 Wanneer bös se mit dit verhaol begónne en wievääöl tied höbs se d'r veur neudig gehad?

Op 't inj van mij bön ich ech begónne mit sjriewe. Ich höb ongeveer 2 maondj neudig. Mer ich sjrief dan neet edere daag heur. En 't is neet allein sjriewe, 't is ouch fiespernulle! Ich kiek beveurbeeld wo d'r danse, acts en leedjes kinne kómme. En wie en wo ich bienao 100 kienjer en 8 volwasse sjpelers in 't verhaol kin laote mitdoon.

## 6 Is dit dien beroop en wo kins se dit lere?

Jao, dit is mien beroop! Ich bön tekssjriever en regiesäör, mer ouch choreograaf, dansdocente, danseres en actrice. Ich bön opgeleid aan de Dansakademie Braobant (Tilburg) En dao krege veer neet allein alderleij saorte dans, mer beveurbeeld ouch drama en wie se 'n veursjtelling maaks. En nao dees opleijing bön ich altied blieve lere. Dans en theater is neet allein mien beroop, mer baove alles mien passie.

D'r zeen versjeije opleijinge in Nederland die se kins doon es se gaer perfessjeneel acteur, danser, sjriever of regiesäör wils waere. Beveurbeeld de toneelakademie in Mesjtreich. Zón opleijing doert dan (minstes) 4 jaor. Doe móos waal eers auditie doon en daonao is 't keihel wirke geblaoze. Doe móos 't dus ech waal heeeeeel gaer wille!

## 7 Duis doe ouch de regie en choreografie van deze musical. Waat hilt det eigenlik persies in?

Klop, ich doon ouch de regie en choreografie. Regie hilt ónger angere in: det ich 'r veur zorg det 't verhaol toet laeve kump. Det ich de sjpelers begeleij in wie ze häör ról kinne sjpele. Regiesere is good kieke, loestere en aanveule waat neudig is, zowaai veur

# van Ginkel

de sjpelers es veur 't verhaol. Zorge det alles (sjpeel, dans, leedjes, meziek) 1 kloppend geheel waert. En veural: det ederein zich op zien/häör gemaak veult en pleezer haet!

Choreografie is 't bedinke en make van danse. D'r zitte dit jaor 10 danse en 7 leedjes in de musical! En bie de leedjes waere dan ouch weer denskes gemaak! Ómdet veer dit jaor mit nóg meer kienjer zeen, höb ich de hulp ingerope van Rian Vergoosen en Rianne Housmans, zie make 2 danse! En Anouk Sonnemans haet denskes gemaak bie 2 leedjes. De res doon ich ;)

## 8 Wieväöl kienjer en volwassene doon dit jaor mit, ouch achter de sjirme?

Op toneel sjaon sjtrakkes zo róndj de 95 kienjer en 8 volwassene. Achter de sjirme helpe dan ouch nog 'ns zón 50 miense mit. Dus det is 'n ech 'musicalmesjen'!



## 9 Waem zitte 'r nog meer in uch team womit geer dit allemaol regelt?


Oze wirkgroep besjteit oet: Marjan Minten, Ses-sa Verboeket, Marie-Anne van der Woning, Jet Derkx en Willemijn Carsten. En dan zeen 'r nog e paar miense die offiesjeel neet in de wirkgroep zitte, mer die veer neet kinne misse: Rikky van Empel-Cloudt, Anouk Sonnemans, Jeroen van Asten, Karin Straus, Rianne Housmans en Rian Vergoosen. En waat zo bezónjer is: veer zeen allemaol vriejwilligers!

## 10 Op wèlk personage of wèlke scène mótte veer veural lètte?

Op alle personages en scènes netuurelik! Edere ról is belangriek, wie klein of wie groot dees ouch is. Veer zorge same mit elkaar veur 'n sjipperende veursjtelling. En det maak 't ouch zo sjoon! Ederein sjteit sjtrakkes te sjtraole in de spotlights!

## 11 Höbs se al 'n iedee veur de musical van volgend jaor?


Uhm.... Det is geheim 😊



# Sjabbesoep

Kerrie-garnalesoep van Dagmar Cillekens

4 persone - tied ongeveer. 20 minuute veurbereijing



Sjabbesoep sjtamp oet 1972 tiedes vastelaovend in Remunj toen de leje van de Sjabbeklup eine sjtevige baom móste höbbe veur de optoch. De leje van de Sjabbeklup höbbe der van gesjikkeld, daorom de naam Sjabbesoep.

## Neudig

- 75 gram Bóttter
- Mael – zalt – paeper
- 125 gram Garnale
- 2 Theelaepsels kerrie
- Theelaepel kurkuma, koenjit of saffraan
- 1 Klein ooj
- 1 Kleine appel
- 1 Banaan
- 1 Sjief ananas oet blik
- 4 dl Óntvètte werme bouljon
- 1 dl Sjlaagroum

## Bereijing

Bak óngeveer 2 minute gesnipperde ooj. Veug de in blökskes gesjneje appel, banaan en ananas d'r biej. Aeve aanbakke en sjtuuf get mael, kurkuma en kerrie hiejeuver. Dit alles bindj zich nao óngeveer 2 minute. Aafblusse mit bouljon.

Bring de soep aan de kaok en ongeveer 5 minute laote pruttele. Veur 't oetservere de garnale en sjlaagroum d'r biej doon. As 't neudig is op sjmaak bringe mit weinig zalt en/of paeper.



De leje van de Sjabbeklup aan häör laupend buffet.

# GARDEFEMIELIE

In 't oettrèkkend gezelsjap van D'n Uul (Kienjer-, Jeug- en Damesgarde, Prinselik gezelsjap, Vórs en Raod van XI en Prinsekepel) zeen väöl femielies al väöle jööre aktief. De femielie mit de meiste 'aktieve' leje is de femielie Lambriex van Aad-Prins Crit I (2001).

Döchter Dimfy, Claire en Luna zeen alledrie begós in de Kienjergarde en zitte óngertösse bie de Damesgarde. Crit zien vrouw Lilian is in al die jaore mit de döchter doorgesjtruimp es leijing van achtereinvolges de Kienjergarde, de Jeuggarde en noe de Damesgarde. Aad-prins Crit is aktief lid van de Raod van XI en óngertösse is d'r nog meer oetbreijing gekómme mit Dimfy ziene vrundj Joost Kruijssen dae veurig jaor bie de Raod van XI is opgenaome.



V.l.n.r.: Dimfy, Lilian, Vórs Dirk, Claire, Luna. Op de foto ontbraeke Crit en Joost.

# 'NE KASTELEIN SJTEIT NOOJT ALLEIN!



Twee jaor geleje höbbe veer in de Uulewapper al ins oetgebreijd besjreve wie zeer Max Klaver ein reïncarnatie is van Har van Braam, ein van de vreugere en meis legendarische oetbaters van Kefee Braam aan de Meules. Det sjtök kint geer nog trök laeze es geer de QR-code op dees bladzeij scant.

Öngertösse is 'r 'n tweede reïncarnatie van 'ne legendarische kastelein opgesjaon bie D'n Uul. Aad-Jeugprins Sjors I (2016) Smeets. Sjors is de kleinzoon van Herman Smeets dae teentalle jaore de waereldbekinde kefee "Hermans Beerboetiek" op de Sjuiteberg haet gehad, veural bekind vanwaege de meer dan 100 saorte beer die hae op veurraod had. Väöl van uch grootvaders en grootmoders höbbe hie de boetelandse bere ontdèk wie

Kriek, Trappist of Guinness en d'r zeen zelfs de neudige Remunjse maedjes blieve plekke aan 'ne Ingelsman.

Det 't tappe bie de femieliej Smeets in de gene zit, blyk ouch oet 't feit det Sjors ziene ome en Aad-Bacchus Loek I vandaag de daag nog sjteeds regelmaotig oethulp bie kefee De Amstelclub en Sjors zien vader Harald gein inkel pilske aafsjeleit det good verzorg oet de tap kump.

MIT MAX EN SJORS ACHTER DE TAP BIE DE RIPPE-TIESIES VAN DE KIENJER- EN JEUGGARDE SJTEIT DER DUS LËTTERLIK 'N GOLJE DUO AAN 50 JAOR 'KASTELEINSREÏNCARNATIE' ACHTER DE TAP. HERE, VÄÖL EN VEURAL LANK PLEZEER AAN UCH SAMEWIRKING!



*Top 3: wó det veer 't leefste aete mit de vastelaovend  
Door de maedjes van de Jeuggarde*

Veuriig jaor höbbe veer al ins eine top 3 van de get oetgebreidere aettente bekind gemaak. Dit jaor zeen veur nóg gezónjer gewaore en besjiet oze ganse top 3 oet Sushizake.

Op oze 3e plek sjeit Ume op 't Kloosterwandjplein,

Op de 2e plaats sjeit Izumi op de Hamsstraot

En op oze nómmer 1 sjeit mit sjtip en as hoogste nuje binnekóunner de nuutste Sushizaak in Remunj Hinata aan 't Zwartbrookplein.



## 'n Aaj raasj

Aafgeloupe jaor waas 't róndj en nao Vastelaovend 'n gigantische raasj: Sjpinners. Offesjeel heite ze "fidget spinner" of "handspinner" en 't is e saort koekerel mit midde óm op 'ne vaste óngergróndj éíne vinger te laote dreije.

"Sjpinne" zól heel good zeen veur de kónsentrasie, rösgaevend zeen veur miense mit ADHD, ADD, OCD, autisme, etc. 't Zól zelfs helpe óm herses toet rös te kómme en de



Wiewaal det 't de gebroeker hulp óm toet rös te kómme, kint 't anger miense juus aaflieje, al helemaal as de sjipper get geluid maak.

Good 6 maondj lank ware de sjpinners neet aan te sjleipe en doe módes al meuítje doon óm 'ne winkel te vinje dae gein sjpinners verkoch. Tósse Vastelaovend en de zomervekansie waas 't zelfs heel gebroekelik as eder famielielid eine of meer eige sjpinners had en wie

langer d'r dreijde en wie flitsender d'r oetzoog, wie baeter.

Maar vanaaf de zomervekansie waas 't in eine keer helemaal sjloes mit de raasj. Zelfs de meis prachtige sjpinners ware aan de sjtraotsjein neet meer kwiet te waere. As herinnering aan die aaj van gigasupertoffe exemplare.

Bron: Wikipedia

# Test: Bös doe eine échte vastelaovesvierder?



# "LATER ES ICH GROOT BÖN WAER ICH...UULE PRINS BIE DE KLEINE UUL!"

## 'ne Druim van 2 echte Vastelaoves Kienjer!

Arthur en Joep zeen 2 boys die de vastelaovend in 't blood höbbe zitte en al van gans jónk aaf aan 'ne druim höbbe en det is prins waere bie D'n Uul.

Mit häör 8 jaor höbbe ze al heel väöl ervaring wie se zo get duis. Ze höbbe al flink geoefend en hadde de zellefs 2 jaor geleje een eige hoesorde. Same edere daag de sjtad in en ederein laote zeen det ze prins en adjudant zeen. Euveral wo ze ware waerde de taak uitgeverd zowie 't beheurt in häör belaeving. Arthur wis altied al det hae ooit prins wilde waere mer Joep dae altied dach; ik waer dan adjudant, haet zich bedach en wilt eigenlik ouch waal prins zeen.

**Arthur haet ouch get ontdek!** Nou, eerst dach ich det allein jonges van 11 jaor prins kinne waere nou det is dus helemaal neet waor. Doe kins namelik ouch es prins gevraog waere es se 10 of 13 jaor bös Dus wil ich gaer 3 jaor prins zeen!

**Es Joep saoves in zien bed ligg druimt hae d'r van det hae Jeugprins is bie D'n Uul.** Op eine gooje daag geit de deurbel en dao sjtaon ze danne, de JPKBK van D'n Uul, flot gaon ze nao binne en vraoge ze mich of ich jeugprins van dit jaor wil waere. Netuurlik wil ich det, mer waal mit ein PK van allemaal kienjer en ein massa Dansgardes. Papa waert dan de baas en ich wil 3 adjudante. Waem det zeen verklap ich netuurlik nog neet.

Ich krieg dan eine auto mit Mamma es sjefäör en make ein groot fees op de bühne van de Tramhalte, dao waert dan gedans door de Mammagarde en veurdet veer nao hoes gaon aete veer pizza bie Pizza Max! Ein sjoon prinsemöts mit 2 vaere en netuurlijk van die sjoon sjoon, same mit alle kienjer oet Remunj vastelaovend viere, same in de optoch, same groot fees in 't witte kirkske bie de Sjnapsnaze en det van de Sjolefestasie toet Bacchusdrieve! Helemaal te gek toch?

**Dus let op! Es de kómmende jaore 1 van dees 2 prins waert, geit 't daak d'r aaf in gans Remunj.**



# De Kienjergarde 2017-2018



Bibi Frencken 11 jaor  
Hobby's: tennis en kienjergarde danse  
Wilt later waere: architect



Björk Smeets 11 jaor  
Hobby's: hocke en danse  
wilt later waere: actrice in Hollywood

16



Elisa Prestigiacomo 9 jaor  
Hobby's: hockey en danse  
Wilt later waere: juf of dokter



Floor Stroeken 9 jaor  
Hobby's: karate  
Wilt later waere: dierenverzorgster



Maud van Etten 10 jaor  
Hobby's: seleksie danse bie  
Silvia en teikene  
wilt later waere: topdanseres



Jenna Jambroers 10 jaor  
Hobby's: handibal en danse  
Wilt later waere: kapster of  
restaurant eigeneer



Nina van Etten 9 jaar  
Hobby's: dansen  
Wilt later waere: (dans)juf of kapster



Sara van Etten 8 jaar  
Hobby's: hockey, zingen en dansen  
Wilt later waere: juf of moder



Charlotte Schmitz 9 jaar  
Hobby's: hockey en duiken  
Wilt later waere: prof hockeyster



Mia Lamers 11 jaar  
Hobby's: hockey en sjoppen  
Wilt later waere: binnehoesarchitect of óntwerperster



Sophie Opheij 10 jaar  
Hobby's: hockey en dansen  
Wilt later waere: kapster of kok



Marit Nelissen 9 jaar  
Hobby's: paardrijden en dansen  
Wilt later waere: dokter of springamazone



Vienna Prestigiacomo 9 jaar  
Hobby's: hockey en dansen  
Wilt later waere: juf



# D'N UUL PRIZZENTEERT

## Kienjermusical Terrestiaof



Teks, verhaal en regie : Iris van Ginkel  
Leedjes en vertaling : Marie-Anne van der Woning  
Leedjes en zank : Karin Straus  
Choreografie : Iris van Ginkel, Rianne Housmans, Rian Vergoossen  
Wirkgroep Kienjermusical o.l.v. Marjan Minten

**4 FIBBERWARIE 2018**

**Theaterzaal de Oranjerie**  
**Veursjtelling 1: 13.00 oer**  
**Veursjtelling 2: 15.45 oer**

**Kaarte te koup bie<sup>\*</sup> de Oranjerie!**

# Sterrestaof!!!

**Vastelaovend 3018. Veer make kinnes mit 't lere en laeve anno 3018. De kienjer hove nieks meer te lere, maar kriege häöre kinnes rechsjtreeks via updates van Siri.**

Vandaag is 'ne bezunjere daag want klas T3 krieg 'ne update van 't insigste nog besjtaonde fees, Karnelaovend! 't Insigste, want alle anger feeste zeen aafgesjaf ómdet ze as nutteloos en zelfs geveerlilk waere besjouwd. Maar de rituele, die volges deskundige 100% authentiek zólle zeen, zeen kórt gezag nogal vraemp. Éín maedje, Luna, haet zien twiefels. "Ich mis get!!" zaet het.

Daorom gaon Luna en zien bëste vriendin Orion op zeuk nao det waat Luna mis... Ze beginne bie Mevrouw Altied Kwiet en haör Vinjers. Jaomer genóg kinne die neet vinje waat Luna zeuk. Ze belanje och nog bie 'ne sjnij-gaere dokter en 'n geniaal diva. Maar det levert och nieks op.

Óngertösse gaon veer nog op bezeuk in de Smoothiebar veur 'ne zeewiershake en e beroemp duo.....

Trök nao Altied Kwiet... Luna en Orion óntdèkke det d'r toch waal get te vinje is bie Altied Kwiet. Via e paar ritmische, kleurige en plezerige projekties vinje ze dan eindelik waat Luna misde!

Jaomer det haör neet in dank aafgenaome waert det ze noe euver "nutteloze" informasie besjik en Luna waert gesjtraof.....

Maar dan sjtik 't vastelaovesgeveul ederein aan en is oeteindelik de update Vastelaovend toch nog... gesjlaag!!!!



**Veer aete altied Duuvelkesvleis mit de Vastelaovend.Noa 't resep van mien mam (veur 4 persone). Groetjes Annemarie van Dooren**

1 kielo kipfilee  
3 ooje  
2 teenkes knoeflouk  
3 theelaepels sambal  
3 ons taugé  
12 aetlaepels ketjap  
12 aetlaepels tomatenketsjup  
6 aetlaepels aek  
6 aetalepels broene basterdsokker  
4 aetlaepels piendakees

Ooje en knoeflouk aanbakke in botter. Kipfilee d'r biej doon en aanbraeloje. In een komp de anger sjpulle minge en biej de kipfilee sjödde. Dit alles gaar laote bakke. Pas op 't lets de tauge d'r biej doon

Lekker mit ein sjlaai van geraspte moer, komkommer en tomaat, atjartjampoer, perzikke en ries maar mit frietjes kint netuurlik ouch.

# RESEP DUUVELKESVLEIS



Biej deze, ein heerlik resep van Remunjse sjtuf sjtumpkes. Veur 't gehak pak ich altied verse wors wo dan 't velke vanaaf gehaold waerd en dan belkes dreije. Lekker mit friete, ries of botterham. Groetjes Daniëlle en Diede Smeets.

20  
500 gram gekruud gehak  
250 gram ooje  
125 gram curry  
125 gram tomatenketsjup  
75 gram broene basterdsokker  
75 gram aek  
Sjeut sojasaus  
Aeventuweel sjeut gembersiroop

Belkes gehak braoje en apaart haaje.

Saus make door ooje aan te braoje en alle anger sjpulle d'r doorhaer te reure.

As de belkes gaar zeen de saus d'r euver haer doon en ongerein reure



# RESEP REMUNJSE SJTUF SJTUMPKES

Leef Uulkes,



Waat kiek ich trök op e geweldig leuk Vastelaoves-sezoen 2017! Zo good geammeezeerd mit heel väöl sjoon herinneringe. 't Waas éin grote traktasie!

Ich höb genaote van uch allemaol. Deze Vastelaovend zal ich nooit meer vergaete. Same mit Steef en Krijn höb ich zo väöl té gekke momente mitgemaak; Oetrope, Sjolefestasie, resepsie, optoch en nog väöl meer. Ich haop det oze nuje Jeugprins zich net zo good geit ammezere es veer det höbbe gedaon. Maar det kint neet misgaon mit zó'n sjoon vereniging es Sjadtvestelaovesvereniging D'n Uul.



Ich wins oze nuje Jeugprins same mit zien adjudante heel väöl plezer en sukces.  
Maak d'r e groot fees van!  
Heel väöl groetjes,

Aad Sjadsjeugprins  
Nick I

Ammezasie...Vastelaovend is  
ein grote traktasie!



# SLEEP-OVER

De dansgardes van D'n Uul, zowaal de kleintjes es de grote, zeen óntzittend leuke vrundinnegruupkes. Neet allein de 'grote' damesgarde geit regelmaotig same op sjtap, mer ouch de 'kleintjes' weite wie ze same 'n feesje kinne boewe. Op häöre laeftied, tösse 6 en 12 jaor, zeen det aevl feesjes die veural örges bie ein van de kienjer toes plaats vinje. Mer det wilt neet zègke det dao neet "die Party richtig ab geht"!

Aafgeloupe jaor waas 't hoes van Maud en Sarah de lokasie van 'ne zogeneumde 'sleep-over' oftewaal pyamaparty. 'n paar moders ware opgetrómmeld óm de dames te verzorge en te ammezere. En det det heel good gesjlaag is, mer ouch 'n hele klus, blick waal oet de biegaonde fotoreportaasj. 't Waas bie alle Papa's en Mama's in eder geval nog toet heel laat onröstig op häöre whatsapp mit alle updates, foto's en filmkes die ze krege.



Sirremoniemeester Sem waar door de dames ouch oetgeneudig veur 't aovendpergram, mer waerde vernamelik gebroek es 'zitkösse'.

'ne sjtraolende glimlach móet verzorg waere.



Eers duchting ontbijte en daonao pas pleite.

Ze höbbe ze  
allemaal op 'n rieke:  
gopoets, op maat en  
klaor veur gebroek.

Vaerdig veur  
Vastelaovend...



Perfessjenele  
hulp om de haor nao  
zónne wilje aovend  
ouch weer in 'ne nette  
sjert te kriege.



'Sjtasie'  
(plein)foto

# De Uulle Gezet

## Doedol, óngersjeije waakhóndj

Hoesordes waere door edere prins flink oetgedeild. Mer bie D'n Uul is d'r eine heel bezónjere drager: Doedol, de hóndj van Puk en Dagmar, waerde aaf-geloupe sezoen door Aad-prins Marnix I óngersjeije. Mer Doedol is dan ouch neet zo mer 'ne hóndj. Hae is bienao altied bie de traininge van de Kienjer- en Jeuggarde perzent óm alle elders gezelsjap te haje en hae waert zelfs es Prinselike waakhóndj ingezat bie de Raod van XI. Det Doedol bezónjer greujts is op zien functie en hoesorde sjtraolt d'r ouch helemaol oet op de foto's.



## Mötse mit vaere



De Prins en de Vórs, allebeij höbbe ze 'n möts mit vaere. Mer es die mötse noe ins zónger häöre drager naeven-ein sjtaon, wèlke möts is dan van waem? Ze zeen toch heel dudelik heel versjillend. Wèts doe wèlke möts van de Prins en wèlke möts van de Vórs is?

## Aan 't sjnoor

Dagmar en Carla, de begeleijing van de Kienjergarde, zeen 'n heel hertelik, leef, vruntjelik, zorgzaam en neet te sjtoppe duo. Mer ze zeen ouch allebeij 'n klein bietje 'blóndj'. Zelfs 't oetrólle van 'ne sumpele verlengkabelhaspel is veur häör al 'n heel opgaaf, wobie ze zelfs brute krach móste gebroeke. Bleke ze de rem d'r neet vanaaf gehaold te höbbe....



## Jeugsirremoniemeester

Sins aafgeloupe jaor haet 't Jeugprinselik oettrèkkend gezelsjap; de Jeugprins, zien adjudante, de Kienjer- en Jeuggarde, ouch de besjikking gekrege euver 'ne echte sirremoniemeester, net zo wie 't grote oettrèkkend gezelsjap det haet.

Dae Jeugsirremoniemeester is nemes minder dan Aad-Jeugprins Sem I en hae waerde veurig jaor offiesjeel geïnstalleerd door Vórs Dirk, kómpleet mit 'ne eige sirremoniemeistersjtek. Nao 'n duchtige inwirkkurzes door de 'grote' sirremoniemeester Marcel Favre, ging Sem ónger de resepsie van de Jeugprins medein vol aan de sjlaag. Hae haet zichzelfs al 'n assistente geritseld óm de sjtek te bewake es hae aeve allebeij de henj vrie mótt hóbbe: Jenna Jambroers.



# De Jeuggarde 2017-



Bo van Rijt



Evie Boersma



Fleur van der Varst



Ivy van Elven



Lisa Willemsen



Zoë van Asten



Noor van der Varst



Puk Tromp



Begeleidster  
en trainster

# 2018



Emma Stiphout



Luca Manders



Zoë en Noor

## De maedjes die ós nao dit sezoen gaon verlaote.

Waat ich gaon misse is de gezelligheid, same in de bös en bie de vereniginge same mit de jeuggarde. Mien leukste ervaring waas 't reisje nao Mondial en de extra optraéjes bie de kienjermiddaag. Lisa Willemsen

Mien leukste ervaring bie de jeuggarde is 't danse op de sjolefestatie, en waat ich 't meis gaon misse zeen de traininge van Fon. Ivy van Elven

't Allerleukste van de jeuggarde vinj ich 't danse. Dus wie ich twee jaor geleje móos sjtoppe vónj ich det ech neet tof! (V'r ginge verhoeze nao Curaçao). Éi jaor höb ich maar mótte misse, want veurig jaor moogde ich mit de vastelaovend toch mit danse. Det waerde dus oefene op Curaçao mit filmkes. Nee v'r weer trok zeen vinj ich 't super det ich weer mit moog doon. Volgend jaor Damesgarde, höb d'r zin in, eindelijk moog ich och ins nao det verkesbal. Bo van Rijt

Mien leukste ervaring in de Jeuggarde waas det v'r op de sjolefestatie moogde sítaon. Ich gaon 't meis misse aan de Jeuggarde de leuke denskes. Ich verheug mich d'r erg op óm nao de Damesgarde te gaon. Emma Stiphout

Ich höb heel erg genaote van de jaore bie de Jeuggarde. Heel väöl leuke dinger möge doon en mitmake. Maar mien leukste ervaring waas toch ech op Sjolefestatie danse. En waat ich 't meis gaon misse zeen Fon, Esther en Wilma. Fleur vd Varst

vlnr Bo, Lisa, Fleur, Emma, Ivy



## Ich sjtél mich veur; De nujelingen bie de JG

Ich heit Zoë van Asten en bön 12 jaor. 't Leefste aet ich sushi bie restaurant Ume of 't nuuj sushi-restaurant op 't Zwartbrookplein. Miene favoriete vastelaovesmezik zeen de leedjes van De Aanduijers. Groetjes, Zoë

Ich bön Noor vd Varst. Ich bön 12 jaor. In miene vrije tieid gaon ich gaer nao de camping

# DÖBBELINTERVIEW

## PRINS VAN D'N UUL ROGÉR II

### Waas 't al ooit einde druim van uch óm Prins te waere?

Diej vraog kin ich volmondig mit jao beanjtwaorde. Eder jaor mit vastelaovend waert der örges aan eine gaam drök geklasjeneerd euver wat veer zólle doon es veer prins zólle waere. Waat zól oze sjpreuk zeen, wat gaon veer allemaal belaeve, waem waert adjudant? Euver alles waert den drök gekald door ederein. Noe is 't den zowied en kinne veer de daad biej 't waard gaon veuge.

### Höb geer drek "jao" gezag of móos geer d'r nog effe euver naardinke?

Wiej ich gevraog waerde höb ich drek gezag det ich heel gaer de nuje veurgenger van Sjtadsvastelaovesvereniging D'n Uul wól waere. Mer ich móos toen waal nog kieke of alles in 't pregram ging passe. De timing waas, mit een verboewing, twee verhoezinge en de äöpening van eine nuje 'casa' nog veur de vastelaovend, neet ideaal. Mer, doe kriegs mer eine keer de kans óm Sjtadsprins te waere en diej kans móos se mit twee henj pakke en neet meer los laote.



**Wie zeet geer toet de keus van de leje van eur prinselik gezelsjap gekómme?** Det waas eigelik heel simpel. Det zeen diezelfde men es in vraog 1. Die men wo ich mit de vastelaovend altied mit klasjeneerde euver "es ich prins waer, den...". Biej gein van die men zoot der twiefel toen ich ze vroog óm miene adjudant te waere.

**Nao welk ivvenement kiek geer 't meiste oet?** 't Oetrope van oze nuje Sjtadsjeugprins netuurlik! Ich bön zo benuijd waem det is... En daonao is 't heel kliesjee, mer kiek ich eigelik nao alles oet. Ich höb 't gelök det ich ooit óngerdeil bön gewaes van ein PG. Toen höb ich gezeen wiej väöl sjpas se biej alle ivvenemente kins höbbe. De klein ivvenemente zeen döks net zo sjoon es de grote. Es ederein lol en plezeer haet, is 't al sjnel good.

### Gaot geer 't misse óm mit al eur vrunj vastelaovend te viere?

Nae, want ich höb mien beste vrunj dit jaor de ganse vastelaovend vanaaf de Nach toet 't aaftraje biej mich. Det is nog dökker es in eine 'geweun' sezoen. Ich gaon waal mien vriendin en mien 2 kiendjes misse, want diej zeen ich deze vastelaovend get minder den normaal mit die daag. Veer viere vastelaovend es gezin zo väöl meugelik same, mer dit waert ein anger jaor. Ich kin waal es Sjtadprins nao de sjool van miene zoom óm dao vastelaovend te viere. Det is netuurlik waal speciaal.

**Waat vindj geer 't meis biezónjere óngerdeil van eur prinsepak?** Zónger twiefel de scepter! Det maak ós same toet Sjtadsprins en Sjtadsjeugprins van D'n Uul. Anger prinse höbbe

ouch ein sjoon pak, höbbe och vaere en höbbe och ein möts. Mer gein van diej anger prinse in Remunj haet de scepter van D'n Uul in de henj.

### ***Waat wilt geer de laezers van deze Uulewapper nog laote weite?***

Det de jeug de toekoms haet én det ederein vastelaovend op zien eige meneer viert. Van jónk toet aad, van riek toet errem en van einzelgenger toet eine grote groep. Ederein haet zien eige tradities en geweuntes in de vastelaovend. Ederein duit zien dink. Det maak de vastelaovend zo sjoon. Nieks mótt, mer biejnao alles moog es veer mer netjes veur elkaar blieve. Ich vinj 't belangriek det de eljers van Remunj häör kienjer mitgaeve waat vastelaovend viere is en det veer vastelaovend mit zien alle same kinne viere.



## **JEUGPRINS VAN D'N UUL ENZO |**

### ***Waas 't al ooit einde druim van uch óm Prins te waere?***

Jao, al vanaaf det ich klein bön wól ich altied prins waere. Toen ich in groep 1 zoot biej juffrouw Chantal op OBS Aan de Roer wól ich al sjoolprins waere. Helaas waerde toen emes angers gekaoze. Tiedes 't feeste in 't Witte Kirkske biej 't Sjapsnazebal bön ich regelmaotig as prins verkleid gewaes.

### ***Höb geer drek "jao" gezag of móos geer d'r nog effe euver naodinke?***

Ich waal! Mien pap en mam móste der waal nog aeve euver naodinke.

### ***Wie zeet geer toet de keus van de leje van eur prinselik gezelsjap gekómme?***

Sjors en ich zeen al vanaaf groep 3 dieke vrunj. Veer viere eder jaar same vastelaovend. Stijn leerde ich kinne tiedes de rippetisies van de Kienjermiddaag. Veer doon al jaore mit en zitte meistal same in dezelfde scène. Toen ich in groep 6/7/8 van de Montessorischool bij meester Ron zoot, kwaam Stijn biej mich in dezelfde groep te zitte.

**Nao welk ivvenement kiek geer 't meiste oet?** De Sjolefestasie. Meistal moog ich neet mit van pap en mam, mer noe höbbe ze gein keus meer en vanaaf dit jaor moog ik waal mit! Volgend jaor gaon ich nao de brugklas en dan bön ich zeker weer van de partie.

### ***Gaot geer 't misse óm mit al eur vrunj vastelaovend te viere?***

Jao, een bietje. Veural 't versjoppertje sjpele op de Roerkade mit de kienjer oet mien buurt en anger vriendjes zal ik bès waal misse. Mit mien móts en die enorme vaere zóolle ze mich och väöl te sjnel kinne vinje. Noe vier ich mit ederein vastelaovend en det is netuurlik och geweldig.

### ***Waat vindj geer 't meis biezónjere óngerdeil van eur prinsepak ?***

De vaere. Alles mit vaere is namelik belangriek; kiek mer nao zjwarre piete en auto's.

***Waat wilt geer de laezers van deze Uulewapper nog laote weite?*** 't Leuke van vastelaovend is det ederein 't op zien eige meneer kin viere en det det allemaal same geit. Of se noe nao de Sjapsnazebal, op de Sjtasfestasie bös of 't in 'n café viers. Mit 'n vereniging mit gaon höb ich nog nooit mitgemaak en det gaon ich dit jaor belaeve.



# Sterrestaat!



OUCH DIT JAOR VINDJ 'T TRADITIONELE  
SJNAPSNAZEBAL PLAATS MIT ES THEMA:

## Sterrestaat!

# Sjnapsnazebal

HÖBS DICH ZIN IN SJPELKES EN VETTE MEZIEK? KÖM DAN BIEJ ÖS AAN EN  
SAME MAKE VEER D'R.DRIE SJOON MIDDAGE VAN. OUCH DE SJTADSsprins EN  
SJTADSJEUGPRINS ZÖLLE MIT HÄÖR GARDÉS BIEJ ÖS AANKÖMME.

30

TOET  
DAN!



WANNEER : ZAOTERDAAG 10, ZÓndaag 11,  
MAONDAAG 12 FIBBERWARIE

WO : 'T WITTE KIRKSKE (VEURSJTAD)

WIELAAT : 16:00 TOET 20:00

DOELGROEP : 0 T/M 12

ANTREE : GRATIES EN VEUR NIEKS!



# Sjnapsnazebal

## zeuk jóng miense die mit wille helpe!

Sjnapsnazebal is ein fees veur jónk en aad, de kienjer kinne lekker sjpele en pap en mam genete van häör kienjer ónger 't genot van ein glas beer!

Dit fees besjteit al teentalle jaore. Sem, Katja en ich (Lian) organisere dit mit väöl plezier. Mér veer zeuke nog volop nao jonge miense vanaaf 11 jaor die ós mit wille helpe óngersjeune. Mer ouch elders zeen van herte welkom ómdet d'r ouch waal ins zake geregeld mótté waere diej allein maar grote miense kinne doon.

### Waat waert der van dich verwach?

't Sjnapsnazebal is driej daag mit de Vastelaovend: op zaoterdaag, zóndaag en maondaag, edere daag van 16.00 oer toet 20.00 in 't Witte Kirkske. Dao waert dan veural väöl Vastelaovesmeziek gedreijt om lekker te sjpringe en danse, maar veer doon ouch väöl sjpelkes en d'r komme artieste optraeje.


### Doe kins ós mit van alles helpe:

- in de maonje veur Vastelaovend mitdinke wat veer allemaal gaon doon mit die daag
- sjpelkes zeuke of bedinke diej veer kinne doon,
- leuke prieze oetzeuke die kienjer kinne winne,
- artieste vraoge om te komme optraeje,
- mithelpe versiere van 't Witte Kirkske,
- Tiedes 't Sjnapsnazebal zelf helpe mit de sjpelkes, D.J. zeen en meziek dreije op ein echte supervette geluidsinsjtallasie of de prieze oetreiike.

Bös doe 11 jaor of aajer en heel entoesjas? Of kins doe emes dae 't heel leuk zal vinje om te doon maar dae door ós gevraog mot waere? Mail dan nao uulewapper@dn-uul.nl

Laot estebleef van uch heure, veer kinne eder helpend händje gebrooke. Want zèk noe zellef: dit moog toch neet verlaore gaon!?

Groetjes Lian  
Sjnapsnazebal



31



# De Uule Gezet

## Gesjiedenis van 't Schminke

**Vreuger gebroekde de Indiane al 'n saort schmink. Dae schmink waerde gemaak van aerd en water.**

Deze schmink van de indiane waar d'r allein in aerdintie. En zie gebroekde ze óm de Gode gunstig te sjtumme. Maori's gebroekde schmink óm indringers van häör territorium te verjage. Maar vreuger gebroekde me schmink ouch óm zichzelf te camouflere. Dit waerde gedaon tiedes de jach. Schmink is 'n óngerdeil van de gesjiedenis van oorlog, entertainment, sjpiritualiteit en sjport.

Noe in de 21e eeuw wurt schmink in de vorm van make-up gebroek. In de jaore 80 begós 't schminke op festivals, merte, in pretparke etc. en dan veural bie kienjer.

Maar netuurlik vinje ouch volwassene 't leuk óm häör gezich te schminke. En allewiel wurt 't ouch op erm en decolleté's gedaon zo-as op de foto's te zeen is.



## Uule-logo schminke

't Uule-logo is as sjebloon te kriege bie D'n Uul door 'ne e-mail te sjture nao info@dn-uul.nl en bie de Póppedokter Wiermans-Genang op 't Munsterplein.

'ne Tip om 't Uule-logo good op te bringe:

- Sjmeer de achterkantj van 't sjebloon in mit Pritt, daonao pleks se 't good op 't gezich.
- Mit 'ne sjpóns op e sjtek-ske de schmink neet te naat aanbringe

## Sinterklaos

Det ederein 'ne goje sirremoniemeester kint gebroeke, is lès nog gebleke wie Sinterklaos zien Piete 't te drök haje. De 'grote' sirremoniemeester Marcel Favre kreeg 'n bezónjer en perseunlik verzeuk van Sinterklaos zelf of hae de Goodheilige man mit zien organisatietalent kós biejstaon óm al zien aafsjpraoke in gooibane te leije. Netuurelik 'n grote eer veur Marcel wo d'r zich gaer en wie altied mit volle euvergave veur haet ingezat.



## 'Losse' Vórste

**Det de vrundjsjap tösse D'n Uul en de Rogsjtaekers oet Weert bezunjer good is, is algemein bekind. Zo doon de Rogsjtaekers eder jaor de grótste meujte om mit häör voltallig Jeuggezelsjap aanwezig te zeen bie de receptie van de Stadsjeugprins van D'n Uul. En det is altied e feestelik moment tiedes de receptie.**

Aafgeloupe jaor waas de receptie van de Stadsjeugprins ouch metein (en jaomer genóg) de lèste keer det aaftraejend Vórs Jan nog éíne keer in zien functie as Vórs 't Rogsjtaekersgezelsjap aanveurde.

Es bezunjer eerbetoon en dank veur al die jaore as Rogsjtaekers-vórs, sjpeelde de Prinsekepel van D'n Uul sjpesjaal de Vörstemars

óm Vórs Dirk en Vórs Jan nog 'ne lèste keer de kans te gaeve óm same helemaol 'los' te gaon. En die kans grepe allebei de Vórste (en gooij vrunj) dan ouch vol aan, zo wie op óngersjtaonde beelde te zeen is. 't Waas e netuurversjiensel det in die vorm maar heel zelje veukump in de Vörstewaereld.





# LEEF UULEJEUG EN VASTELAOVEND VIERENDE JEUG IN REMUNJ,

‘t Is zo wied, ‘t Vastelaovessezoen 2018 is noe ouch veur de Uulekienjer en Uulejeug ech begós! Wo veur ‘t oettrèkkend gezelsjap van D’n Uul ‘t Vastelaovessezoen 2018 al is begós tiedes aad op nuuj, in de eerste minute van de 11de van de 11de, mós geer jaomer genógr nog aeve wachte. Det is neet gemekkelik, want ouch ‘t jeug-oettrèkkend gezelsjap van D’n Uul hèlt waal van ein feesje en daoróm bön ich es Vórs dan ouch ech blieb det geer noe ouch ‘gans los kint gaon’.

En gans los kint geer gaon, want vanaaf noe is ‘t veur uch gein geheim meer waem ‘de Nuuje’ is. Sjtadsjeug-prins van Remunj en **Jeugprins van D’n Uul Enzo I** geit same mit zien adjudante **Sjors** en **Stijn** de Uulekienjer en Uulejeug in ‘t sezoen 2018 veur. Det gaon zie netuurlik neet allein doon. Ich weit zeker det **Sjtadsprins Rogér II** same mit zien adjudante **Marvin, Joost en Ruud** ós Jeugprinselik Gezelsjap good geit helpe óm der ein geweldig sezoen van te make. SAME mit de Kienjergarde, Jeuggarde, Damesgarde, Prinsekapel, Raod van XI, Dageliks Besjtuur en mit soms “ein bietje” wieselike óngersjteuning van de Senaat is ós Uulegezeljsjap dus weer gans kompleet.

Neet gans, want ouch oze Jeugsirmoniemeester (en Aad Sjtadsjeugprins) Sem I, dae det ‘t aafgeloupe sezoen super gedaon haet, heurt netuurlik in baovesjaond rieke toes! Sem, super bedank veur ‘t aafgeloupe jaor!! In det veurig Vastelaovessezoen höbbe Sjtadsjeugprins Niek I mit zien adjudante en Sjtadsprins Marnix I mit zien adjudante en matteraalmeester ós eine sjitterende

Vastelaovend gebrach. Zie ginge D’n Uul op ein sjieke en enthousiaste wies veur, SAME! Mit elkaar en mit de ganse Uulejeug gedans en gesjpronge. Ich bedank al-lebei de Aad Prinse van 2017 mer veural ouch uch es Uulekienjer en Uulejeug dao heel erg veur, want det is same Vastelaovend viere!

Dit Vastelaovendsezoen is jaomer genógr 2 waeke korter es veurig jaor. Der is dus minder tied óm same leuke oetsjekes te make. Mer oze ‘grote’ Sirremoniemeester Marcel Favre zal der in ‘t wanjelprogram zovööl meugelik aan doon óm ‘t oettrèkkend gezelsjap en ‘t jeug-oettrèkkend gezelsjap same op sjtap te laote gaon. Ouch zal ich es Vórs zo dök es det geit mit uch mit op sjtap gaon. Oh jao, nog aeve get belangrieks veur ich ‘t vergaet. Veurig jaor höb ich in de Uulewapper eine oproop gedaon. Ich sjreef toen det ich’t sjiek zól vinje es der meer jonger miense bie D’n Uul kómme. Neet alein maedjes óm te danse mer ouch jonges. Ich höb uch toen oetgedaag nao te dinke wie veer dit mesjen kinne invulle toet eine Jeugraod van XI. Hiejveur höb ich nog gein gooij ideje moge óntvange, mer ‘t is nooit te laat veur gooij ideje dus “trek mich mer aan de jas” en kóm mit diej ideje!

Ich haop det **Sjtadsjeugprins Enzo I** en zien adjudante same mit ós Kienjergarde en Jeuggarde en alle Vastelaovend vierende kienjer en jeugdige oet Remunj der eine sjone tied van gaon make. Netuurlik geit ós Jeugprinselik Gezelsjap óngersjteuning kriege van **Sjtadsprins Rogér II** en zien adjudante. Daoróm wins ich uch allemaal vööl Vastelaovespleezer ónger ós jaormotto **‘vaerdig veur vastelaovend’**. En ederein viert de Vastelaovend op zien eige wies..... mer waal SAME!

Vórs Dirk I





## COLOFON

### Riddaksie

Hein Jambroers  
Esther Verhagen  
Roel Hendriks  
Hetty Jacobs-Wiermans  
Ton Hensen  
Harry Allers  
Dennis Engelen

### Mit dank aan

Jeugprins van D'n Uul 2018:  
Enzo I  
Prins van D'n Uul 2018:  
Rogér II  
Vórs Dirk I  
Wilma Favre  
Iris van Ginkel  
Carla Klaver  
Dagmar Cillekens  
De Jeuggarde  
Esther Willemsen  
Marijn van Etten-Baars  
Niek Laarmans  
Claudia Nelissen  
Annemarie van Dooren  
Daniëlle en Diede Smeets  
Kim Beelen  
Lian Schuman

### Fotoos

Foto Studio Bongers (Prinsenfoto's)  
Femieliej Willemsen  
Dagmar Cillekens  
Femieliej Tinnemans  
Harry Allers  
De riddaksie leje

### Oetgaaf

Sjtadsvastelaovesvereniging D'n Uul  
Posbos 11, 6040 AA Remunj

### Vormgaeving

Ontwerpbuuro M  
[www.gewoonm.nl](http://www.gewoonm.nl)

### Drök

ARS Printmedia

### Ketak

[www.dn-uul.nl](http://www.dn-uul.nl)  
[uulewapper@dn-uul.nl](mailto:uulewapper@dn-uul.nl)

### Copyright 2018

Alle sjrievversrechte mit betrekking  
toet de inhald van dees oetgaaf  
waere oetdrökkelik veurbahaje.  
Dees rechte beröste biej  
Sjtadsvastelaovesvereniging D'n Uul  
Remunj ofwaal biej de betreffende  
sjriever.





# D'N UUL PRIZZENTEERT



6-1-2018

**Nach van de Nuuje Prins |**  
*De Oranjerie , Salle de Fête*

7-1-2018

**Middaag van de Nuuje Jeugprins |**  
*De Oranjerie , Salle de Fête*

18/19/20-1-2018

**Buute-Aovend Lachenderwies |**  
*De Oranjerie , Theaterzaal*

27-1-2018

**Verkesaovend | 't Sjoolpaad**

28-1-2018

**Resepsie Sjtadsjeugprins | 't Witte Kirkske**

3-2-2018

**Vastelaoveskirkdeens |**  
*St. Christoffel Kathedraal*

4-2-2018

**Kienjermusical | De Oranjerie , Theaterzaal**

9-2-2018

**Sjolefestasie | Sjtasieplein**

10-2-2018

**Sjtasiefestasie | Sjtasieplein**

10/11/12-2-2018

**Sjnapsnazebal | 't Witte Kirkske**

11-2-2018

**Resepsie Sjtadsprins |**  
*De Oranjerie , Salle de Fête*

